

經部

欽定四庫全書四書或問卷二

詳校官監察御史臣左 周

刑部即中臣許此振覆勘

總校官編修臣王燕緒 校對官修撰臣戴衛亨 腾録監生臣趙 果


欽定四庫全書 四書或問 提要 書凡大學二卷中庸三卷論語二十卷孟子 子既作四書章句集註復以諸家之說紛錯 臣等謹案四書或問三十九卷宋朱子撰朱 不一因設為問答明所以去取之意以成此 十四卷其書非一時所著中庸或問原與輯 四書或明 經部 四書類

**欽定匹庫全書** 書修得一過大學所改尤多比舊已極詳密 了其問儘有差好處人不欲盡駁難他底所 其問中庸編集如何曰緣前輩諸公説得多 中庸或問則朱子平日頗不自惬語類載游 問用力最久故朱子答潘恭叔問當自稱諸 畧俱附章句之末論語孟子則各自為書其 合為一帙益後來坊賈所併也中間大學或 以難下手不比大學都未曾有人說又載朱 提要

**火足习事 全勢** 評論程子諸子説處尚多朔云云是其意猶 于以中庸或問授首、告云亦未皆滿意處如 問則無暇重編故年譜稱或問之書未當出 以為未盡安也至論孟或問則與集註及語 疑集註不知集註屢經修改至老未已而或 類之說往往多所抵牾後人或遂執或問以 其极又晦卷集中有與潘端叔書曰論語或 以示人書肆有竊刊行者亟請於縣官追索 四年時日

金大口匠台電 與或問前後不相應云云可見異同之迹即 問此書久無工夫修得只集註屢更不定却 朱子亦不諱言並録存之其與集註合者可 六年十一月恭校上 集偶摘數語即據為不刊之典矣乾隆四 晓然於折衷衆説之由其與集註不合者亦 知朱子當日原乡未定之論未可於語錄文 提要 總纂官臣紀昀臣陸錫熊臣孫士教

		الايالاي الأنوال المنظم ال		
次足可事全書				
事				
全				
	,			
£ @				
四書或問				
:問				總
				校
			٠	總校官臣陸
				臣
				陸
				曹
				71
				墀



RALDINE ALLI THE PROPERTY OF THE PARTY OF TH 四書或問 今者亦既輯而為書 學何也曰此對小子 之學何也曰愚於序

學者不可以不之考也曰吾聞君子務其遠者大者 收小學之成功是則學之大小所以不同特以少長 然其為道則一而已是以方其幼也不智之於小學 則無以收其放心養其德性而為大學之基本及其 又欲其考乎小學之書何也曰學之大小固有不同 小人務其近者小者今子方將語人以大學之道而 長也不進之於大學則無以察夫義理措諸事業而 所智之異宜而有萬下淺深先後緩急之殊非若古

多分四月五十二

對進退之間禮樂射御書數之習俟其既長而後進 以相入也今使幼學之士必先有以自盡乎洒掃應 勝勤苦難成之患欲直從事於大學則又恐其失序 而不可哉日幼學之士以子之言而得循序漸進以 免於職等陵節之病則誠幸矣若其年之既長而不 乎明德新民以止於至善是乃次第之當然又何為 今之辨義利之分判然如薰猶冰炭之相反而不可 及乎此者欲反從事於小學則恐其不免於扞格不

次と可見とは

四善或問

金少世月日 道而必以是為說焉不幸過時而後學者誠能用力 以涵養本原而謹夫洒掃應對進退之節與夫六藝 逝者則固不可得而復追矣若其工夫之次第條目 無本而不能以自達也則如之何曰是其歲月之已 業而致夫明德新民之功也是以程子發明格物之 之教為大學者不由乎此亦無以開發聰明進德修 則豈遂不可得而復補耶蓋吾聞之敬之一字聖學 之所以成始而成終者也為小學者不由乎此固無

将不患於無本而不能以自達矣其或推顏已甚而 於此以進乎大而不害東補乎其小則其所以進者 倍其功不足以致之若徒歸咎於既往而所以補之 而養其良知良能之本者亦可以得之於此而不患 不足以有所兼則其所以固其肌膚之會筋骸之束 馬而身心顛倒眩瞀迷惑終無以為致知力行之地 於後者又不能以自力則吾見其扞格勤苦日有甚 其失之於前也顧以七年之病而求三年之艾非百 四書或問

**欽定四庫全書** 有所謂常惺惺法者馬尹氏之說則又有所謂其心 矣况欲有以及乎天下國家也哉曰然則所謂敬者 矣曰敬之所以為學之始者然矣其所以為學之終 收斂不容一物者焉觀是數說足以見其用力之方 矣嘗以整齊嚴肅言之矣至其門人謝氏之說則又 所以用力之方則知小學之不能無賴於此以為始 又若何而用力即曰程子於此嘗以主一無 適言之 也奈何曰敬者一心之主宰而萬事之本根也知其

由是誠意正心以修其身則所謂先立其大者而小 格物致知以盡事物之理則所謂尊德性而道問學 為終者可以一以貫之而無疑矣蓋此心既立由是 知小學之賴此以始則夫大學之不能無賴乎此以 以安百姓篤恭而天下平是皆未始一日而離乎敬 者不能奪由是齊家治國以及乎天下則所謂修已 此篇所謂在明明德在新民在止於至善者亦可得 也然則敬之一字豈非聖學始終之要也哉曰然則 四書或問

後有是形故人物之生必得是理然後有以為健順 是理而後有是氣及其生物則又必因是氣之聚而 造化者陰陽五行而已而所謂陰陽五行者又必有 貴賤之殊以其氣而言之則得其正且通者為人得 骸之身周子所謂無極之眞二五之精妙合而疑者 正謂是也然以其理而言之則萬物一原固無人物 仁義禮智之性必得是氣然後有以為意鬼五臟百

欽定四庫全書

而聞其說之詳乎曰天道流行發育萬物其所以為

而為物者既格於形氣之偏塞而無以克其本體之 其偏且塞者為物是以或貴或賤而不能齊也彼賤 地以贊化育者亦不外馬是則所謂明德者也然其 於禽獸者正在於此而其所以可為堯舜而能參天 貴故其方寸之間虚靈洞徹萬理成備盖其所以異 全矣唯人之生乃得其氣之正且通者而其性為最 通也或不能無清濁之異其正也或不能無美惡之 殊故其所賦之質清者智而濁者愚美者賢而惡者

一欽定四庫全書-不肖又有不能同者必其上智大賢之資乃能全其 巴不能無蔽而失其全矣况乎又以氣質有蔽之心 本體而無少不明其有不及乎此則其所謂明德者 接乎事物無窮之變則其目之欲色耳之欲聲口之 豈可勝言也哉二者相因反覆深固是以此德之明 欲味鼻之欲臭四肢之欲安供所以害乎其德者又 日益昏昧而此心之靈其所知者不過情欲利害之 私而已是則雖日有人之形而實何以遠於禽獸雖

曰可以為堯舜而參天地而亦不能有以自充矣然 其昏蔽之極而介然之項一有覺焉則即此空隙之 致知之說者所以使之即其所養之中而因其所發 小學之中而復開之以大學之道其必先之以格物 中而其本體已洞然矣是以聖人施教既已養之於 而本明之體得之於天然有不可得而味者是以雖 則又所以使之因其已明之端而反之於身以致其 以放其明之之端也繼之以誠意正心修身之目者

四書或問

一鉢定四庫全書 明之之實也夫既有以故其明之之端而又有以致 超然無有氣質物欲之累而復得其本體之全哉是 則所謂明明德者而非有所作為於性分之外也然 其明之之實則吾之所得於天而未當不明者豈不 也向也俱為物欲之所蔽則其賢愚之分固無以大 其所謂明德者又人人之所同得而非有我之得私 乎此而不能自明者方且甘心迷惑没溺於卑污药 相遠者今吾既幸有以自明矣則視彼聚人之同得

賤之中而不自知也豈不為之側然而思有以救之 所以得之於天而見於日用之間者固已莫不各有 者而亦非有所付界增益之也然德之在已而當明 亦皆有以自明而去其舊染之污焉是則所謂新民 國而終及於平天下使彼有是明德而不能自明者 哉故必推吾之所自明者以及之始於齊家中於治 所以明而新之者又非可以私意茍且而為也是其 與其在民而當新者則又皆非人力之所為而吾之

שיו בו בו בו וחווכול היי

四書或問

處其理雖粗復而有不純已雖粗克而有不盡且將 衆人之心固莫不有是而或不能知學者雖或知之 之敬子之孝父之慈與人交之信乃其目之大者也 本然一定之則程子所謂以其義理精微之極有不 而亦鮮能必至於是而不去此為大學之教者所以 可得而名者故姑以至善目之而傳所謂君之仁臣 無以盡夫修已治人之道故必指是而言以為明德 新民之標的也欲明德而新民者誠能求必至是而

多丘四月全書-

此三者此愚所以斷然以為大學之綱領而無疑也 然自孟子沒而道學不得其傳世之君子各以其意 言之不出乎八事而八事之要總而言之又不出乎 天理者無毫髮之遺恨矣大抵大學一篇之指總而 不容其少有過不及之差焉則其所以去人欲而復 其明德而不屑乎新民者又有暑知二者之當務顧 教法度為足以新民者又有愛身獨善自謂足以明 之所便者為學於是乃有不務明其明德而徒以政 四書或問

|欽定四庫全書 | 矣日程子之改親為新也何所據子之從之又何所 當去其本文而但曰某當作某是乃漢儒釋經不得 之則有據程子於此其所以處之者亦已審矣別未 親民云者以文義推之則無理新民云者以傳文考 考而必其然耶且以已意輕改經文恐非傳疑之義 是皆不考乎此篇之過其能成已成物而不 謬者鮮 乃安於小成狃於近利而不求止於至善之所在者 奈何曰若無所考而輒改之則誠若吾子之譏矣今

世蓋有承誤随訛心知非是而故為穿鑿附會以求 其說之必通者矣其侮聖言而誤後學也益甚亦何 已之變例而亦何害於傳疑耶若必以不改為是則 所在則不能有以得其所當止者而止之如射者固 文之意言明德新民所以止於至善之中也蓋明德 后能安安而后能慮慮而后能得何也曰此推本上 足取以為法耶曰知止而后有定定而后能静静而 新民固皆欲其止於至善然非先有以知夫至善之

四書或問

所當止之地也能知所止則方寸之間事事物物皆 至而於天下之事皆有以知其至善之所在是則吾 欲其中夫正鵠然不先有以知其正鵠之所在則不 容閒暇事至物來有以揆之而能處矣能慮則隨事 能靜則無所擇於地而能安矣能安則日用之問從 有定理矣理既有定則無以動其心而能靜矣心既 能有以得其所當中者而中之也知止云者物格知 觀理極深研幾無不各得其所止之地而止之矣然

對定四厚全書

事而首尾相因故曰終始誠知先其本而後其末先 相懸為終身經歷之次序也曰物有本末事有終始 志學以至從心孟子之善信以至聖神實有等級之 節蓋亦推言其所以然之故有此四者非如孔子之 既真知所止則其必得所止固已不甚相遠其間四 明德新民雨物而内外相對故曰本末知止能得一 知所先後則近道矣何也曰此結上文兩節之意也

ていうえ ニニ

其始而後其終也則其進為有序而至於道也不遠

四書或問

一多万四庫全書 矣曰古之欲明明德於天下者先治其國欲治其國 者先齊其家欲齊其家者先修其身欲修其身者先 求得夫至善而止之也所謂明明德於天下者自明 所以求知至善之所在自誠意以至於平天下所以 綱領之條目也格物致知誠意正心修身者明明德 知致知在格物何也曰此言大學之序其詳如此蓋 正其心欲正其心者先誠其意欲誠其意者先致其 之事也齊家治國平天下者新民之事也格物致知

其明德而推以新民使天下之人皆有以明其明德 有不得其本然之正則身無所主雖欲勉强以修之 也人皆有以明其明德則各誠其意各正其心各修 之本在國故欲平天下者必先有以治其國國之本 亦不可得而修矣故欲修身者必先有以正其心而 欲齊家者必先有以修其身至於身之主則心也一 在家故欲治國者必先有以齊其家家之本在身故 其身各親其親各長其長而天下無不平矣然天下

2.17 ml 31.1

四書或問

以致其知致者推致之謂如喪致乎良之致言推之 有未實則心為所累雖欲勉强以正之亦不可得而 心之發則意也一有私欲雜乎其中而為善去惡或 勉强以誠之亦不可得而誠矣故欲誠意者必先有 其表裏洞然無所不盡則隱微之間真妄錯雜雖欲 神明妙衆理而宰萬物者也人莫不有而或不能使 正矣故欲正心者必先有以誠其意若夫知則心之 而至於盡也至於天下之物則必各有所以然之故

**郵定匹庫全書** 

事觀理以格夫物格者極至之謂如格於文祖之格 其精粗隱顯究極無餘則理所未窮知必有敬雖欲 與其所當然之則所謂理也人莫不知而或不能使 勉强以致之亦不可得而致矣故致知之道在乎即 道之篇則庶幾其有聞矣然其言極於正心誠意而 未聞有及之者至唐韓子乃能援以為說而見於原 言窮之而至其極也此大學之條目聖賢相傳所以 教人為學之次第至為纖悉然漢魏以來諸儒之論 四書或問

國治而后天下平何也曰此覆說上文之意也物格 荀楊哉日物格而后知至知至而后意誠意誠而后 心正心正而后身修身修而后家齊家齊而后國治 無口致知格物云者則是不探其端而驟語其次亦 物者既詣其極而無餘則知之在我者亦隨所詣而 者事物之理各有以詣其極而無餘之謂也理之在 未免於擇焉不精語馬不詳之病矣何乃以是而議 無不盡矣知無不盡則心之所發能一於理而無自

一致定匹库全書

以明明德言之則似新民之事亦在其中何其言之 心得其正則身之所處不至陷於所偏而無不修矣 欺矣意不自欺則心之本體物不能動而無不正矣 民為對則固專以自明為言矣後段於平天下者復 而求之智謀功利之末哉曰篇首之言明明德以新 身無不修則推之天下國家亦舉而措之耳豈外此 而以其賓主對待先後次第言之則明明德者又三 不一而辨之不明耶曰篇首三言者大學之綱領也 のようだめ

一欽定四庫全書 言之綱領也至此後段然後極其體用之全而一言 而言則身為本而天下國家為末以家對國與天下 也何也曰此結上文兩節之意也以身對天下國家 而末治者否矣其所厚者薄而其所薄者厚未之有 日自天子以至於庶人壹是皆以修身為本其本亂 不亂然後合之有以盡其大而無餘此又言之序也 雖多而吾心之用無不貫蓋必析之有以極其精而 以舉之以見夫天下雖大而吾心之體無不該事物

平天下者天子諸侯之事也卿大夫以下皆無與馬 簿而無以及人之親長此皆必然之理也孟子所謂 等差矣故不能格物致知以誠意正心而修其身則 而言則其理雖未當不一然其厚薄之分亦不容無 本必亂而末不可治不親其親不長其長則所厚者 出其位犯非其分而何以得為為已之學哉日天之 今大學之教乃例以明明德於天下為言豈不為思 於所厚者簿無所不簿其言蓋亦本於此云曰治國

欽定四庫全書 責而不可辭者則其所以素教而預養之者安得不 士之適子與國之俊選而設是皆将有天下國家之 所以堯舜其君堯舜其民者亦未當不在其分內也 心豁然大公其視天下無一物而非吾心之所當爱 明命有生之所同得非有我之得私也是以君子之 以天下國家為已事之當然而預求有以正其本清 無一事而非吾職之所當為雖或勢在匹夫之賤而 又况大學之教乃為天子之元子衆子公侯卿大夫

而苟徇於目前是以天下之治日常少亂日常多而 敗國之君亡家之主常接迹於當世亦可悲矣論者 其源哉後世教學不明為人君父者處不足以及此

而視天下之事以為已事之所當然而為之則雖甲 不此之監而反以聖法為疑亦獨何哉大抵以學者 兵錢穀選豆有司之事皆為已也以其可以求知於

スミラミ AILI 回書成門

張子敬夫之言曰為已者無所為而然者也此其語

世而為之則雖割股廬墓敞車贏馬亦為人耳善乎

動定四库全書 門人記之何以知其然也日正經辭的而理備言近 馬則有以察乎善利之間而無毫釐之差矣日子調 意之深切蓋有前賢所未發者學者以是而日自省 或出於古昔先民之言也故疑之而不敢質至於傳 而指遠非聖人不能及也然以其無他左驗且意其 正經蓋夫子之言而曾子述之其傳則曾子之意而 成於曽氏門人之手而子思以授孟子無疑也蓋中 文或引曾子之言而又多與中庸孟子者合則知其

九百日五日 一 正心修身之效也孟子之所謂知性者物格也盡心 庸之所謂明善即格物致知之功其曰誠身即誠意 者知至也存心養性修身者誠意正心修身也其他 **胞合焉者故程子以為孔氏之遺書學者之先務而** 典通為天下後世而言者也論孟應機接物之微言 論孟猶處其次為亦可見矣曰程子之先是書而後 如謹獨之云不慊之說義利之分恒言之序亦無不 論孟又且不及乎中庸何也曰是書垂世立教之大

或因一時一事而發者也是以是書之規模雖大然 非切於學者之日用論孟之為人雖切然而問者非 其首尾該備而綱領可尋節目分明而工夫有序無 之不齊其間蓋有非初學日用之所及者此程子所 以先是書後論孟蓋以其難易緩急言之而非以聖 之言尤非後學之所易得而聞者故程子之教未遠 人之言為有優劣也至於中庸則又聖門傳授極致 一人記者非一手或先後淺深之無序或抑揚進退


・金万口に入り

先乎大學無以提挈綱領而盡論孟之精微不參之 論孟無以融貫會通而極中庸之歸趣然不會其極 及之豈不又以為論孟既通然後可以及此乎蓋不 急於四書而讀四書者又不可不先於大學亦已明 書論天下之事哉以是觀之則務講學者固不可不 溺於虛空流於功利而得罪於聖門者幾希矣 矣今之教者乃或棄此不務而反以他說先馬其不 於中庸則又何以建立大本經綸大經而讀天下之

大己日日 AITT

基

金万四月全書 四書或問卷



不知德之當明而欲明之然氣稟拘之於前物欲蔽 曰克明德者何也曰此言文王能明其德也蓋人莫 附經則其次第可知而二說之不然審矣曰然則其 獨能明之而他人不能又以見夫未能明者之不可 不致其克之之功也曰顧誤天之明命何也曰人受 之於後是以雖欲明之而有不克也文王之心渾然 天地之中以生故人之明德非他也即天之所以命 天理亦無待於克之而自明矣然猶云爾者亦見其

銀分正屋子書

我而至善之所存也是其全體大用蓋無時而不發 見於日用之間人惟不察於此是以汨於人欲而不 成德之事而極其大焉其言之淺深亦略有序矣 言之亦有序乎白康語通言明德而已太甲則明天 知所以自明常目在之而真若見其參於前倚於衡 堯能明其大德也曰是三者固皆自明之事也然其 也則成性存存而道義出矣曰克明峻德何也曰言 之未始不為人而人之未始不為天也帝典則專言

火之四重全十二

四書裁問

或問盤之有銘何也曰盤者常用之器銘者自警之解 恐其有所怠忽而或忘之也是以於其常用之器各 猶其身之本潔也德之明而利欲昏之猶身之潔而 因其事而刻銘以致戒 焉欲其常接乎目每警乎心 塵垢污之也一旦存養省察之功負有以去其前日 如此何也曰人之有是德猶其有是身也德之本明 而不至於忽忘也曰然則沐浴之盤而其所刻之辭 也古之聖賢兢兢業業固無時而不戒謹恐懼然猶

金ダい月とこう

省察之功無少間断則明德常明而不復為利欲之 繼則利欲之交將復有如前日之昏猶既潔矣而所 其前日塵垢之污也然既新矣而所以新之之功不 利欲之昏而日新焉則亦猶其疏淪凍雪而有以去 昏亦如人之一日沐浴而日日沐浴又無日而不沐 也故必因其已新而日日新之又日新之使其存養 以潔之之功不繼則塵垢之集將復有如前日之污 浴使其疏瀹溪雪之功無少間斷則身常潔清而不 四喜或問

次定四軍主事--

惟有得於此故稱其德者有曰不適聲色不殖貨利 復為舊染之污也昔成湯所以反之而至於聖者正 故伊尹自謂與湯咸有一德而於復政太甲之初復 又曰與人不求備檢身若不及此皆足以見其日新 以終始惟一時乃日新為丁寧之戒蓋於是時大甲 又曰以義制事以禮制心有曰從諫弗佛改過不吝 切矣然本湯之所以得此又其學於伊尹而有發焉 之實至於所謂聖敬日齊云者則其言愈約而意愈

方且自怨自艾於相處仁選義而歸是亦所謂茍日 矣其後周之武王踐作之初受師尚父丹書之戒曰 新者故復推其當以告於湯者告之欲其日進乎此 志學之士皆不可以莫之考也曰此言新民其引此 敬勝怠者吉怠勝敬者滅義勝欲者從欲勝義者凶 風而與起者今其遺語尚幸頗見於禮書願治之君 退而於其几席觞豆刀劒户牖莫不銘焉蓋聞湯之 無所間斷而有以繼其烈祖之成德也其意亦深切

**東日東白馬** 

語之書而告之以此欲其有以鼓舞而作與之使之 何也曰此自其本而言之蓋以是為自新之至而新 小序以康語為成王周公之書而子以武王言之何 然此豈聲色號令之所及哉亦自新而已矣曰孔氏 振奮踴躍以去其惡而遷於善舍其舊而進乎新也 叔也以商之餘民染耐污俗而失其本心也故作康 民之端也曰康誥之言作新民何也曰武王之封康 也日此五峰胡氏之說也蓋嘗因而考之其曰朕弟

一多万口屋台書

家兄云者皆為武王之自言乃得事理之實而其他 證亦多小序之言不足深信於此可見然非此書大 故天命之以有天下是其邦雖舊而命則新也蓋民 之言周雖舊邦其命維新何也曰言周之有邦自后 義所關故不暇於致詳當別為讀書者言之耳曰詩 新民德既新則天命之新亦不旋日矣曰所謂君子 稷以來千有餘年至於文王聖德日新而民亦丕變 之視效在君而天之視聽在民君德既新則民德必

大足到五日生

金月四屋白雪 或問此引玄鳥之詩何也曰此以民之止於邦畿而明 物之各有所止也曰引綿蠻之詩而系以孔子之言 盤銘言自新也康語言新民也文王之詩自新新民 用其極者求其止於是而已矣 之極也故曰君子無所不用其極極即至善之云也 無所不用其極者何也曰此結上文詩書之意也蓋 於其欲止之時猶知其當止之處豈可人為萬物之 孔子何以有是言也曰此夫子說詩之解也蓋曰鳥

てきうえ とこう 臣父子與國人交之所止何也曰此因聖人之止以 靈而反不如鳥之能知所止而止之乎其所以發明 庶事莫不各有當止之所但所居之位不同則所止 明至善之所在也蓋天生蒸民有物有則是以萬物 孝為人父則其所當止者在於慈與國人交則其所 則其所當止者在於敬為人子則其所當止者在於 人當知止之義亦深切矣曰引文王之詩而繼以君 之善不一故為人君則其所當止者在於仁為人臣 四書或問

然無有一毫之蔽故連續光明自無不敬而所止者 當止者在於信是皆天理人倫之極致發於人心之 而歷陳所止之實使天下後世得以取法馬學者於 莫非至善不待知所止而後得所止也故傳引此詩 所昏故不能常敬而失其所止唯聖人之心表裏洞 者亦不能加毫末於是焉但衆人類為氣稟物欲之 不容已者而文王之所以為法於天下可傳於後世 此誠有以見其發於本心之不容已者而緝熙之使

多定匹庫全書

孚正此意也曰子之說詩既以敬止之止為語助之 其連續光明無少間断則其敬止之功是亦文王而 精微之藴而推類以通之者何其言之行而不切即 辭而於此書又以為所止之義何也曰古人引詩新 已矣詩所謂上天之載無聲無臭儀刑文王萬拜作 五者之目詞約而義該矣子之說乃復有所謂究其 章或姑借其解以明己意未必皆取本文之義也曰 日舉其德之要而總名之則一言 足矣論其所以為

又己日馬んた

到分四月全書 是一言者則其始終本末豈一言之所能盡哉得其 名而不得其所以名則仁或流於姑息敬或墮於阿 日上言止於至善之理備矣然其所以求之之方與 凡例其於大倫之目猶且關其二焉苟不推類以通 生白公之為也又况傳之所陳姑以見物各有止之 諛孝或陷父而慈或敗子且其為信亦未必不為尾 其得之之驗則未之及故又引此詩以發明之也夫 之則亦何以盡天下之理哉曰復引淇澳之詩何也

此其所以擇善固執日就月將而得止於至善之由 如琢如磨言其所以修於身者已密而益求其密也 如切如磋言其所以講於學者已精而益求其精也 驗也盛德至善民不能忘蓋人心之所同然聖人既 也恂慄者嚴敬之存乎中也威儀者輝光之著乎外 先得之而其充盛宣著又如此是以民皆仰之而不 也此其所以醉面盎背施於四體而為止於至善之 能忘也盛德以身之所得而言也至善以理之所極

マシショラ こと

我只四月全書 之功易所謂始條理之事也玉石渾全堅確而琢磨 而言也切磋琢磨求其止於是而已矣曰切磋琢磨 業之盛也親其親者子孫保之思其覆育之思也樂 其樂者含哺鼓腹而安其樂也利其利者耕田鑿井 王之沒世不忘何也日賢其賢者聞而知之仰其德 之功難所謂終條理之事也曰引烈文之詩而言前 何以為學問自修之别也曰骨角脈理可尋而切磋 而享其利也此皆先王盛德至善之餘澤故雖已沒

或問聽訟一章鄭本元在止於信之後正心修身之前 世而人猶思之愈久而不能忘也上文之引淇澳以 世不忘者推之則知其當屬乎此也 中子獨何以知其不然而屬之此也曰二家所繁文 烈文二節鄭本元在誠意章後而程子置之卒章之 以新民之得所止言之而著明明德之效也曰淇澳 明明德之得所止言之而發新民之端也此引烈文 意不屬故有不得而從者且以所謂道盛德至善沒

大足引起在的

以畏服其民之心志而使之不敢盡其無實之辭是 然則聽訟無訟於明德新民之義何所當也曰聖人 於此可見矣二家之說有未安者故不得而從也曰 為釋本末之義可知矣以經之本文祭之則其當屬 程子又進而寡之經文之下此謂知之至也之上子! 德盛仁熟所以自明者皆極天下之至善故能大有 不之從而寡之於此何也曰以傳之結語考之則其 以雖其聽訟無以異於衆人而自無訟之可聽蓋尸

金なせたる

或問此謂知本其一為聽訟章之結語則聞命矣其 矣此傳者釋經之意也日然則其不論夫終始者何 而欲區區於分爭辨訟之間以求新民之效其亦末 德既明而民德自新則得其本之明效也或不能然 也日古人釋經取其大略未必如是之屑屑也且此 為衍文何也曰以其複出而他無所繫也曰此謂知 鄭本元在經文之後此謂知之至也之前而程子以 章之下有闕文焉又安知其非本有而幷失之也

NAJONE LILL

結之而其中間又無知至之說則知再結聽訟者之 他求為也考之經文初無再論知本知至之云者則 知屬之經後者之不然矣觀於聽訟之章既以知本 以知其皆不盡然而有所取舍於其間耶曰此無以 知本之章以屬明德之上是必皆有說矣子獨何據 誠意之前程子則去其上句之複而附此句於聽訟 之至也鄭本元隨此謂知本繁於經文之後而下屬 不然矣且其下文所屬明德之章自當為傳文之首

銀丘四庫全書

次求之而有合焉是以不得而異也曰然則子何以 獨程子上句之所刪鄭氏下文之所屬則以經傳之 又安得以此而先之乎故愚於此皆有所不能無疑者 所謂格物致知者字義不明而傳復關焉且為最初 之而知其為結語也以傳之例推之而知其有闕文 曰以文義與下文推之而知其釋知至也以句法推 知其為釋知至之結語而又知其上之當有闕文也 也曰此經之序自誠意以下其義明而傳悉矣獨其

2 1. 10 mol 1.11.10

子曰學何為而可以有覺也程子曰學莫先於致知 意而子之言又似不盡出於程子何耶曰或問於程 用力之地而無復上文語緒之可尋也子乃自謂取 忠信則可勉矣而致知為難奈何程子曰試敬固不 思曰睿睿作聖董子所謂勉强學問則聞見博而知 能致其知則思日益明至於外而後有覺爾書所謂 程子之意以補之則程子之言何以見其必合於經 益明正謂此也學而無覺則亦何以學為也哉或問

多定四库全書

7. 12 mm 事之迹則亦安能如彼之動容問旋無不中禮也哉 躐者茍無聖人之聰明睿知而徒欲勉焉以踐其行 之者也故大學之序先致知而後誠意其等有不可 可以不勉然天下之理不先知之亦未有能勉以行 惟其燭理之明乃能不待勉强而自樂循理爾夫人 而至則循理為樂不循理為不樂何苦而不循理以 而但欲以力為之是以苦其難而不知其樂耳知之 之性本無不善循理而行宜無難者惟其知之不至 Ų 四書或問

害吾樂耶昔當見有談虎傷人者衆莫不聞而其問 傷人人孰不知然聞之有懼有不懼者知之有真有 後之意也又有問進修之術何先者程子曰莫先於 若曰知不善之不可為而猶或為之則亦未嘗眞知 正心誠意然欲誠意必先致知而欲致知又在格物 而已矣此兩條者皆言格物致知所以當先而不可 不真也學者之知道必如此人之知虎然後為至耳 人神色獨變問其所以乃當傷於虎者也夫虎能

或論古今人物而別其是非或應接事物而處其當 格物者也然而格物亦非一端如或讀書講明道義 致盡也格至也凡有一物必有一理窮而致之所謂 至此惟今日而格一物焉明日又格一物焉積智既 物而萬理皆通即曰一物格而萬理通雖顏子亦未 否皆窮理也曰格物者必物物而格之即將止格 物之理理會得多自當豁然有箇覺處又日窮理者 多紙後脫然有貫通處耳又曰自一身之中以至萬

人可可以 八十分

四書或問

|動分四月全書 所以可推而無不通也又曰物必有理皆所當窮若 而通其餘矣蓋萬物各具一理而萬理同出一原此 窮一事或先其易者或先其難者各隨人淺深譬如 則當求其所以為孝者如何若一事上窮不得且別 積累多後自當脫然有悟處又曰格物非欲盡窮天 非謂必盡窮天下之理又非謂止窮得一 千蹊萬徑皆可以適國但得一道而入則可以推類 下之物但於一事上窮盡其他可以類推至於言孝 理便到但

知其高而已矣地吾知其深而已矣思神吾知其幽 天地之所以高深思神之所以幽顯是也若曰天吾 此此合内外之道也語其大天地之所以高厚語其 且顯而已矣則是已然之詞又何理之可窮哉又曰 宜如何而為温清之節莫不窮究然後能之非獨守 如欲為孝則當知所以為孝之道如何而為奉養之 而反求諸已乎曰不必然也物我一理纔明彼即曉 夫孝之一字而可得也或問觀物察已者豈因見物

欠已日日 2115

然以觀萬物之理則吾恐其如大軍之游騎出太遠 求之四端可乎曰求之情性固切於身然一草一木 此九條者皆言格物致知所當用力之地與其次第 在如父止於慈子止於孝之類若不務此而徒欲汎 亦皆有理不可不察义曰致知之要當知至善之所 小至一物之所以然皆學者所宜致思也曰然則先 而無所歸也又曰格物莫若察之於身其得之尤切 程也又曰格物窮理但立誠意以格之其遲速則

一多分四月全書

亦皆有據至以他書論之則文言所謂學聚問辨中 致知之傳詳矣今也尋其義理既無可疑考其字義 知之本者也凡程子之為說者不過如此其於格物 放也此五條者又言涵養本原之功所以為格物致 知在乎所養養知莫過於寡欲又曰格物者適道之 不在敬者又曰涵養須用敬進學則在致知又曰致 在乎人之明暗耳又曰入道莫如敬未有能致知而 始思欲格物則固已近道矣是何也以收其心而不

ていり 更 とこう

四言或問

支

意亦可得而悉聞之乎曰吾聞之也天道流行造化 意以補傳文之闕不然則又安敢犯不避之罪為無 守力行之先而可以驗夫大學始教之功為有在乎 庸所謂明善擇善孟子所謂知性知天又皆在乎固 發育凡有聲色貌象而盈於天地之間者皆物也既 證之言以自託於聖經賢傳之間乎曰然則吾子之 此也愚當反覆考之而有以信其必然是以竊取其 有是物則其所以為是物者莫不各有當然之則而

卷二

自不容已是皆得於天之所賦而非人之所能為也 而至於人則人之理不異於已也遠而至於物則物 之常是皆必有當然之則而自不容已所謂理也外 次而及於身之所接則有君臣父子夫婦長幼朋友 也次而及於身之所具則有口鼻耳目四肢之用又 是非之情渾然在中隨感而應各有攸主而不可亂 其體則有仁義禮智之性其用則有惻隱羞惡恭故 今且以其至切而近者言之則心之為物實主於身

次足马事在事

四書或問

金分で元人 偏正之殊物欲有淺深厚薄之異是以人之與物賢 中夫子所謂性與天道子思所謂天命之性孟子所 謂仁義之心程子所謂天然自有之中張子所謂萬 能外也盡於小則一塵之微一息之頃不能遺也是 之理不異於人也極其大則天地之運古今之變不 之與愚相為懸絕而不能同耳以其理之同故以 物之一原部子所謂道之形體者但其氣質有清濁 乃上帝所降之衷烝民所東之葬劉子所謂天地之

故於其理或有所不能窮也理有未窮故其知有不 盡知有不盡則其心之所發必不能純於義理而無 雜予物欲之私此其所以意有不誠心有不正身有 人之心而於天下萬物之理無不能知以其稟之異 進乎大學則又使之即夫事物之中因其所知之理 不修而天下國家不可得而治也昔者聖人蓋有憂 以收其放心養其德性者已無所不用其至矣及其 之是以於其始教為之小學而使之習於誠敬則所

欠 Pula Clado

金人工屋 白書 鬼神之變鳥獸草木之宜自其一物之中莫不有以 著或察之念慮之微或求之文字之中或索之講論 精切而無不盡也若其用力之方則或考之事為之 推而完之以各造乎其極則吾之知識亦得以周遍! 其表裏精粗無所不盡而又益推其類以通之至於 見其所當然而不容已與其所以然而不可易者必 之際使於身心性情之德人倫日用之常以至天地 日脫然而貫通馬則於天下之物皆有以究其義

之本體而無不盡矣此愚之所以補乎本傳闕文之 理精微之所極而吾之聰明睿智亦皆有以極其心 鮮矣讀者其亦深考而實識之哉曰然則子之為學 意雖不能盡用程子之言然其指趣要歸則不合者 不求諸心而求諸迹不求之內而求之外吾恐聖賢 乎天下之理理雖散在萬物而其用之微妙實不外 與理而已矣心雖主乎一身而其體之虚靈足以管 之學不如是之淺近而支離也曰人之所以為學心

でから 1111 1111

四書或問

此心之靈而無以存之則昏昧雜擾而無以窮衆理 養初未當有內外精粗之擇及其真積力外而豁然 於學問思辨之際以致盡心之功巨細相涵動靜交 以聖人設教使人默識此心之靈而存之於端莊靜 以盡此心之全此其理勢之相須蓋亦有必然者是 之妙不知衆理之妙而無以窮之則偏狹固滯而無 乎一人之心初不可以內外精粗而論也然或不知! 之中以為窮理之本使人知有衆理之妙而窮之

一部方四母全書

為 古人明德新民之實學其亦誤矣曰近世大儒有為 之可言矣今以以是為淺近支離而欲藏形匿影别 貫通馬則亦有以知其渾然一致而果無內外精 後能知至道也又有推其說者曰人生而靜其性本 格物致知之說者曰格猶扞也禦也能扞禦外物而 之則是近世佛學設淫邪遁之尤者而欲移之以亂 其心於文字言語之外而曰道必如此然後可以得 種幽深恍惚艱難阻絕之論務使學者若然措

ペショラ かん

四書或問

t

敬也是安有此理哉若曰所謂外物者不善之誘耳 是絶父子而後可以知孝慈離君臣而後可以知仁 道固未始相離也今曰禦外物而後可以知至道則 其為說不亦善乎曰天生蒸民有物有則則物之與 其知者亦曰扞去外物之誘而本然之善自明耳是 非指君臣父子而言也則夫外物之誘人莫甚於飲 無不善而有為不善者外物誘之也所謂格物以致 食男女之欲然推其本則固亦莫非人之所當有而

一多方四月全書

不能無者也但於其間自有天理人欲之辨而不可 復之功而物之誘於外者得以奪乎天理之本然也 行乎其間者熟為天理熟為人欲是以無以致其克 以毫釐差耳惟其徒有是物而不能察於吾之所以 打而去之則是必閉口枵腹然後可以得飲食之正 今不即物以窮其原而徒惡物之誘乎已乃欲一切 無父之教有不能充其說者况乎聖人大中至正之 絕滅種類然後可以全夫婦之別也是雖二氏 無君

四書或問

欽定四庫全書 學者傳之見於文字多矣是亦有以發其師說而有 道而得以此亂之哉曰自程子以格物為窮理而其 助於後學者即日程子之說切於已而不遺於物本 累之斯而其所謂豁然貫通者又非見聞思處之可 博而陷於支離亦不徑約而流於狂妄既不舍其積 完其精而不忽其粗學者循是而用力馬則既不務 於行事之實而不廢文字之功極其大而不畧其小 及也是以說經之意入德之方其亦可謂反復詳備

大户马车在上 考之則恐其皆未足以及此也蓋有以必窮萬物之 求屈伸消長之變則天地山川草木為一者似矣然 理同出於一為格物知萬物同出乎一理為知至如 而無俟於發明矣若其門人雖曰祖其師說然以愚 幽明為一達哀樂好惡之情則人與鳥獸魚鼈為 合内外之道則天人物我為一通晝夜之道則死生 有不明矣但求衆物比類之同而不完一物性情之 其欲必窮萬物之理而專指外物則於理之在已者

先其大者則一處理通而觸處皆通者其曰尋箇是 異則於理之精微者有不察矣不欲其異而不免乎 理之務也又曰先其大者則不若先其近者之切也 處者則得矣而曰以恕為本則是求仁之方而非窮 又有以為窮理只是尋箇是處然必以恕為本而又 合之勞而不睹貫通之妙矣其於程子之說何如哉 四說之異必欲其同而未極乎一原之同則徒有牽 又曰一處通而一切通則又顏子之所不能及程子

金灰口屋 台雪

諸身皆有以見其如目視耳聽手持足行之畢具於 之事言其窮理之至無所不盡故凡天下之理反求 外得也所謂格物亦曰反身而誠則天下之物無不 又有以為天下之物不可勝窮然皆備於我而非從 之所不敢言非若類推積累之可以循序而必至也 不謂但務反求諸身而天下之理自然無不誠也中 此而無毫髮之不實耳固非以是方為格物之事亦 在我者是亦似矣然反身而誠乃為物格知至以後

次足四年 白生

四書或問

主

庸之言明善即物格知至之事其言誠身即意誠心 無所哪於理者不知何所病而疑之也豈其習於持 容皆誤且其為說正中庸學問思辨弗得弗措之事 地位固有序而不可誣矣令為格物之說又安得遽 敬之約而厭夫觀理之煩即抑直以已所未聞而不 非程子之言者則諸家所記程子之言此類非一 以是而為言哉又有以今日格一物明日格一物為 正之功故不明乎善則有反諸身而不誠者其功夫

金少四人人

言之岩以巳偶未聞而遂不之信則以有子之似聖 歸已則是不察程子所謂物我一理纔明彼即曉此 自強察地勢以厚德者亦似矣然其曰物物致察則 信他人之所聞也夫持敬觀理不可偏廢程子固己 是不察程子所謂不必盡窮天下之物也又曰死轉 者哉又有以為物物致察而宛轉歸已如察天行以 又安得遽以一人之所未聞而盡廢衆人之所共聞 人而速貧速朽之論猶不能無待於子游而後定今

尺已日日 Elein

四書或問

享

字向裏之意而其日格之之道必立志以定其本居 敬以持其志志立乎事物之表敬行乎事物之内而 事即物不厭不棄而身親格之以精其知者為得致 者之指但其語意頗傷急迫既不能盡其全體規模 知乃可精者又有以合乎所謂未有致知而不在敬 欲因其已定之名擬其已著之迹而未嘗如程子所 之意也又日察天行以自強察地勢以厚德則是但 謂求其所以然與其所以為者之妙也獨有所謂即

國分正屋子

之大又無以見其從容潛玩積人貫通之功耳嗚呼 之所以為說者乃如此雖或僅有一二之合焉而不 免於猶有所未盡也是亦不待七十子喪而大義已 程子之言其答問反復之詳且明也如彼而其門人 心勿為他事所勝凡遇一事即當且就此事反復推 **華矣尚何望其能有所發而有助於後學哉問獨惟** 尋以究其理待此一事融釋脫落然後循序少進而 念昔聞延平先生之敎以為為學之初且當常存此 四書或問

別窮一事如此既人積累之多胸中自當有洒然處 理之密若不速於程子然其工夫之漸次意味之深 非文字言語之所及也詳味此言雖其規模之大條 窮理為主而必究其本末是非之極至 彼以徇外誇 之學與世之所謂博物治聞者奚以異曰此以反身 有以識之未易以口舌爭也曰然則所謂格物致知 切則有非他說所能及者惟嘗實用力於此者為能 多為務而不聚其表裏真妄之實然必完其極是以

欽定匹庫全書

或問六章之指其詳猶有可得而言者即曰天下之道 此正為已為人之所以分不可不察也 知愈博而心愈明不聚其實是以識愈多而心愈室 私得以蔽之而天命之本然者不得而著其於事物 然既有是形體之界而又為氣稟之拘是以物欲之 天命所賦之本然惡者物欲所生之邪穢也是以人 之常性莫不有善而無惡其本心莫不好善而惡惡 二善與惡而已矣然揆厥所元而循其次第則善者

欠足可加上日本 四書或問

金少口屋台書 粗而不能真知其可好可惡之極者夫不知善之真 之理固有曹然不知其善惡之所在者亦有僅識其 欺而意之所發有不誠者夫好善而不誠則非惟不 未能無不惡者以挽之於中是以不免於苟焉以自 之於内不知惡之眞可惡則其惡惡也雖曰惡之而 可好則其好善也雖曰好之而未能無不好者以拒 不足以去惡而適所以長乎其惡是則其為害也徒 足以為善而反有以賊乎其善惡惡而不誠則非惟

學之教而必首之以格物致知之目以開明其心術 有甚馬而何益之有哉聖人於此蓋有憂之故為大 使既有以識夫善惡之所在與其可好可惡之必然 之於幽獨隱微之與以禁止其茍且自欺之前而凡 矣至此而復進之以必誠其意之說馬則又欲其謹 好善而中無不好則是其好之也如好好色之真欲 好也如曰惡惡則必由中及外無一毫之不惡也夫 其心之所發如日好善則必由中及外無一毫之不

欠正9日上八上丁 · 四書或問

Ī

内外昭融表裏澄徹而心無不正身無不修矣若彼 項纖芥之微念念相承又無敢有少間斷焉則庶乎 以快乎已之目初非為人而好之也惡惡而中無不 則亦不可謂其全然不知善惡之所在但以不知其 初非為人而惡之也所發之實既如此矣而須臾之 眞可好惡而又不能謹之於獨以禁止其尚且自欺! 小人幽隱之間實為不善而猶欲外托於善以自蓋 惡則是其惡之也如惡惡臭之眞欲以足乎已之鼻

金分四月至書

詳如此是固宜為自修之先務矣然非有以開其知 意者先致其知又日知致而后意誠然猶不敢恃其 識之員則不能有以致其好惡之實故必曰欲誠其 之前是以淪陷至於如此而不自知耳此章之說其 而不假他術以雜乎其間亦可見矣後此皆然今不 復重出也曰然則慊之為義或以為少又以為恨與 其獨而毋自欺馬則大學工夫次第相承首尾為 知之已至而聽其所自為也故又曰必誠其意必慎

大王马野人子·

四書或問

銀灯四周全書 此不同何也曰慊之為字有作嗛者而字書以為口 銜物也然則慊亦但為心有所銜之意而其為快為 並行而不悖矣字書又以其訓快與足者讀與個同 恨與少之意而言者也讀者各隨所指而觀之則既 者也孟子所謂吾何慊漢書所謂嗛栗姬則以銜其 於心樂般所謂慊於志則以銜其快與足之意而言 足為恨為少則以所言之異而別之耳孟子所謂慊 則義愈明而音又異尤不患於無别也

或問人之有心本以應物而此章之傳以為有所喜怒 2... Time 211. 賦形者亦其用之所不能無者也故其未感之時至 憂懼便為不得其正然則其為心也必如槁木之不 然虚明如鑑之空如衡之平以為一身之主者固其 復生死灰之不復然乃為得其正耶曰人之一心湛 虚至靜所謂鑑空衡平之體雖思神有不得窺其際 **真體之本然而喜怒憂懼隨感而應妍茧俯仰因物** 者固無得失之可議及其感物之際而所應者又皆 四害英問 兲

鐵定匹庫全書 所以為天下之達道亦何不得其正之法哉唯其事 中節則其鑑空衡平之用流行不滯正大光明是乃 與俱往則其喜怒憂懼必有動乎中者而此心之用 物之來有所不察應之既或不能無失且又不能不 惟是此心之靈既曰一身之主茍得其正而無不在 為不得其正而必如槁木死灰然後乃為得其正也 始有不得其正者耳傳者之意固非以心之應物便 是則耳目鼻口四肢百骸莫不有所聽命以供其事

或問八章之辟舊讀為譬而今讀為僻何也曰舊音舊 而其動靜語點出入起居惟吾所使而無不合於理 如其不然則心在於此而心馳於彼血肉之驅無所 說以上章例之而不合也以下文逆之而不通也是 子所謂操則存舍則亡孟子所謂求其放心從其大 管攝其不為仰面食看鳥回頭錯應人者幾希矣孔 體者蓋皆謂此學者可不深念而屢省之哉 以間者竊以類例文意求之而得其說如此蓋曰人

大三日日 在二十

四書或問

倚而身不修則是必其接物之際此心漠然都無親 能無而亦既有當然之則矣今曰一有所向便為偏 私而能有以齊之哉曰凡是五者皆身與物接所不 况於閨門之内恩常掩義亦何以勝其情愛暱比之 是其身之所接好惡取含之間將無一當於理者而 溺焉而不知其惡矣偏於惡則阻焉而不知其善矣 之常情於此五者一有所向則失其好惡之平而陷 偏是以身有不修不能齊其家耳蓋偏於愛則

宜其身之無不修今乃猶有若是之偏何哉曰不然 疎之等貴賤之別然後得免於偏也且心既 正矣則 為身與事接而後或有所偏非以為一與事接而必 曹謂本心而有如是之則哉曰敖之為凶德也正以 身非謂此心一正則身不待檢而自修也曰親愛賤 有所偏所謂心正而后身修亦曰心得其正乃能修 也此章之義實承上章其立文命意大抵相似蓋以 惡畏敬哀矜固人心之所宜有若夫敖情則凶德也

大三日馬 八二

四書或問

Ē

金竹四周至書 賤也其言無足去取而其行無足是非也則視之泛 然如途之人而已爾又其下者則夫子之取瑟而歌 敖之之意亦安得而遽謂之凶德哉又况此章之旨 孟子之隱几而臥蓋亦因其有以自取而非吾故有 於可畏而敬也其窮未至於可哀而其惡未至於可 敖而敖之則是常情所宜有而事理之當然也今有 其先有是心不度所施而無所不敖爾若因人之可 人馬其親且舊未至於可親而爱也其位與德未至

或問如保赤子何也曰程子有言赤子未能自言其意 者雖或不中而不至於大相遠矣豈待學而後能哉 若民則非如赤子之不能自言矣而使之者反不能 而為之母者慈愛之心出於至誠則凡所以求其意 當教情而猶不敢肆其教情之心也亦何病哉 所教情而其意則正欲人之於此更加詳審雖曰所 乃為慮其因有所重而陷於一偏者發其言雖曰有 無失於其心則以本無慈愛之實而於此有不察耳

四書或問

丰二

**赵定匹库全書** 成惡雖小而可懼古人之深戒也書所謂爾惟德問 傳之言此蓋以明夫使衆之道不過自其慈幼者而! 章本言上行下效有不期然而然者今日有諸已而 小萬和惟慶爾惟不德罔大墜厥宗亦是意爾曰此 推之而慈幼之心又非外錄而有待於強為也事君 後求諸人無諸已而後非諸人則是猶有待於勸勉 可知矣日仁讓言家食戾言人何也曰善必積而後 之孝事長之弟亦何以異於此哉既舉其細則大者

僅免而遂欲責人以必無也曰此為治其國者言之 程督而後化且內適自修而遽欲望人之皆有已方 則推吾所有與民共由其條教法令之施賞善罰惡 也故先君子之言曰有諸已不必求諸人以為求諸 自化亦非謂其於已之長愧人之短而脇之以必從 責人固非謂其專務修已都不治人而拱手以俟其 好則民不從故又推本言之欲其先成於已而有以 之政固有理所當然而不可已者但以所令反其所

REDuct Little

四書或問

Ī

蓋日如治已之心以治人如爱已之心以爱人而非 諸人而有諸已則不可也正此意也曰然則未能有 **笱然姑息之謂也然人之為心必嘗窮理以正之使** 不亦恕而終身可行乎哉曰恕字之旨以如心為義 善而遂不求人之善未能去惡而遂不非人之惡斯 其所以治已愛已者皆出於正然後可以即是推之 以及於人而恕之為道有可言者故大學之傳最後 人而無諸已則不可也無諸已不必非諸人以為非

金万口尼台書

我之所以自治而自治焉則表端景正源潔流清而 善無惡而可以非人之惡然後推已及人使之亦如 自治為本蓋能強於自治至於有善而可以求人之 而論之則欲如治已之心以治人者又不過以強於 两章始及於此則其用力之序亦可見矣至即此章 視吾治教所當及者一以姑息待之不相訓結不相 行之時也今乃不然而直欲以其不肖之身為標準 治已治人無不盡其道矣所以終身力此而無不可

次足四事人生

四書或問

禁戒將使天下之人皆如已之不肖而淪胥以陷焉 昏苟能以責人之心責已恕已之心恕人則不患不 是乃大亂之道而豈所謂終身可行之恕焉近世名 本以如心而得故可以施之於人而不可以施之於 卿之言有曰人雖至愚責人則明雖有聰明恕已則 至於聖賢矣此言近厚世亦多稱之者但恕字之義 已之心恕人則是既不知自治其昏而遂推以及人 已今日恕已則昏則是已知其如此矣而又日以恕

使其亦将如我之昏而後已也乃欲由此以入聖賢 則亦止可以言下章愛人之事而於此章治人之意 之域豈不誤哉籍令其意但為欲反此心以恕於人 與夫中庸以人治人之說則皆有未合者蓋其為怒 毫釐之異正學者所當深察而明辨也若漢之光武 雖同而一以及人為主一以自治為主則二者之間 亦賢君也一旦以無罪點其妻其臣郅惲不能力陳 大義以牧其失而姑為緩辭以慰解之是乃所謂不

VALID IN LILLA

優游厭飲有以感發人之善心非徒取彼之文證此 能三年而總功是察放飯流齡而齒決是惲者光武 引詩者三何也曰古人言必引詩蓋取其嗟嘆咏歌 不明而其禍乃至於此可不謹哉曰既結上文而復 臣者不肯責難陳善以賊其君之罪一字之義有所 乃謂惲為善恕已量主則其失又甚遠而大放為人 意足矣復三引詩非能於其所論之外别有所發明 之義而已也夫以此章所論齊家治國之事文具而

多坑四庫全書

KNO WE KILL 或問上章論齊家治國之道既以孝弟慈為言矣此論 暢使人心融神會有不知手舞而足蹈者是則引詩 妻至于兄弟以御于家邦之意也 有序乎曰首言家人次言兄弟終言四國亦刑于寡 也然嘗試讀之則反復吟咏之間意味深長義理通 治國平天下之道而復以是為言何也曰三者人道 之則引者之意可見而詩之為用亦得矣曰三詩亦 之助與為多焉蓋不獨此他凡引詩云者皆以是求 四書或問

金月正是白書 所同而不能已者如此是以君子不唯有以化之而 專以已推而人化為言此章又申言之以見人心之 天下雖有大小之殊然其道不過如此而已但前章 之大端聚心之所同得者也自家以及國自國以及 有以倡之則下之有是心者亦無所感而與起矣幸 然貴賤殊勢賢愚異稟茍非在上之君子負知實蹈 其有以倡馬而與起矣然上之人乃或不能察彼之 又有以處之也蓋人之所以為心者雖曰未嘗不同

曰何以言絜之為度也曰此莊子所謂絜之百圍賈 夫絜矩之道然後有以處此而遂其與起之善端也 遂而反有不均之歎是以君子察其心之所同而得 心而失其所以處之之道則彼其所興起者或不得 後其理可得而通也蓋絜度也矩所以為方也以已 子所謂度長絜大者也前此諸儒蓋莫之省而強訓 之心度人之心知人之所惡者不異乎已則不敢以 以挈殊無意味先友太史范公乃獨推此以言之而 四書或問

一欽定四庫全書 一、---将無一 皆得以自盡其心而無不均之歎矣天下其有不平 其所占之地則其廣狹長短又皆平均如一截然方 四方物我之際各得其分不相侵越而各就其中校 者乎然君子之所以有此亦豈自外至而強為之哉 正而無有餘不足之處是則所謂絜矩者也夫為天 已之所惡者施之於人使吾之身一處乎此則上下! 下國家而所以處心制事者一出於此則天地之問 物不得其所而凡天下之欲為孝弟不倍者

意存乎其間則一膜之外便為胡越雖欲絜矩亦將 亦曰物格知至故有以通天下之志而知千萬人之 有所隔礙而不能通矣若趙由之為守則易尉而為 以一人之心為千萬人之心其如此而已矣一有私 心即一人之心意誠心正故有以勝一已之私而能 盖出於此而充其類則雖桀紂盗跖之所為亦將何 所不至哉曰然則絜矩之云是則所謂恕者已乎曰 尉則陵守王肅之方於事上而好人佞已推其所由

22.37.2 211.

四書或問

丰

一致定匹庫全書 蕃充拓不去則天地閉而賢人隱皆以其可以推之 終身可行程子所謂充拓得去則天地變化而草木 此固前章所謂如爱已之心以愛人者也夫子所謂 其正是以上下四方以此度之而莫不截然各得其 而無不通耳然必自其窮理正心者而推之則吾之 分若於理有未明而心有未正則吾之所欲者未必 爱惡取舍皆得其正而其所推以及人者亦無不得 其所當欲吾之所惡者未必其所當惡乃不察此而

是將見其物我相侵彼此交病而雖庭除之內跬步 遽欲以是為施於人之準則則其意雖公而事則私 所如之心始得其正是亦此篇先後本末之意也然 恕兩言如形與影欲去其一而不可得蓋惟忠而後 是以聖賢凡言恕者又必以忠為本而程子亦言忠 之間亦且參商矛盾而不可行矣尚何終身之望哉 則君子之學可不謹其序哉曰自身而家自家而國

次已日事 ALLI

自國而天下均為推已及人之事而傳之所以釋之

者一事自為一說若有不能相通馬者何也可此以 義而齊其家其家已齊事皆可法然後有以立標準 有不同者也然自國以上則治於內者嚴密而精詳 已度物舉此如彼而平天下此以其遠近先後而施 **骨教誨而治其國其國已治民知興起然後可以推** 也蓋必審於接物好惡不偏然後有以正倫理篤恩 勢之遠通事之先後而所施有不同耳實非有異事 自國以下則治於外者廣博而周遍亦可見其本末

金ケッカノコー

實一物首尾實一身矣何名為異說哉曰所謂民之 爱下員猶父母之愛其子矣彼民之親其上豈不亦 其所好而與之聚之惡其所惡而不以施焉則上之 知民之好惡又能以民之好惡為已之好惡也夫好 父母者何也日君子有絜矩之道故能以已之好惡 言在尊位者人所觀仰不可不謹若人君怨已徇私 猶子之爱其父母哉日此所引節南山之詩何也日 不與天下同其好惡則為天下慘如桀紂幽厲也曰

CABINA LILL

四書或問

主儿

此言其所謹而當先者尤在於德也德即所謂明德 得聚得國失衆失國何也曰言能絜矩則民父母之 所以謹之亦曰格物致知誠意正心以修其身而已 矣曰所謂先慎乎德何也曰上言有國者不可不謹 而得衆得國矣不能絜矩則為天下慘而失衆失國 有土則因天分地不患乎無財用矣然不知本末而 矣日此其深言務財用而失民何也曰有德而有 無絜矩之心則未有不爭剛其民而施之以劫奪之

一部分四月全書

於下矣財散於下則民歸於上矣言悸而出者亦悖 者將以導利而布之上下者也故財聚於上則民散 教者也易大傳曰何以聚人曰財春秋外傳曰王人 民有逆辭上貪於利則下人侵畔得其旨矣曰前既 而入貨悸而入者亦悸而出鄭氏以為君有逆命則 之者有德而有人之謂也不善則失之者悖入而悖 言命之不易矣此又言命之不常何也曰以天命之 重而致其丁寧之意亦承上文而言之也蓋善則得

次定四車全書

哉曰其引秦誓何也曰言好善之利及其子孫不好 帽嫉一事而已仁人不深惡乎彼而獨深惡乎此者 善之害流於後世亦由絜矩與否之異也曰媚嫉之 出之謂也然則命之不常乃人之所自爲耳可不謹 已甚之亂即曰小人為惡千條萬端其可惡者不但 及於後世而未已也然非殺人於貨之盗則罪不至 以其有害於善人使民不得被其澤而其流禍之長 八誠可惡矣然仁人惡之之深至於如此得無疾之

樂之情則一今此惡人放而不遠則其為害雖得不 禦亂之術至矣而何致亂之有曰进之為屏何也曰 殊然所以仁之之意亦未嘗不行乎其間也此其為 伏凶人使不得稔其惡雖因彼之善惡而有好惡之 死故亦放流之而已然又念夫彼此之勢雖殊而苦 魅而後已蓋不惟保安善人使不蒙其害亦所以禁 之所惡施之於人而必遠而置之無人之境以禦聽 施於此而彼所放之地其民復何罪焉故不敢以己

**彰定四車全書** 

皆通欲以事證決之則無考蓋不可以深求矣若使 勢事證三者而已今此二字欲以義理文勢決之則 為怠也孰得曰大凡疑義所以決之不過乎義理文 古字之通用者多矣漢石刻詞有引尊五美屏四惡 我是以是非不認而舉錯得宜也日命之為慢與其 者而以尊為遵以屏為进則其證也曰仁人之能愛 其於義理事實之大者有所嚮背而不可以不究猶 ,能惡人何也曰仁人者私欲不萌而天下之公在

當視其緩急以為先後况於此等字既兩通而於事 嫉有以陷溺其心是以其所好惡戾於常性如此與 義無大得失則亦何必苦心極力以求之徒費日而 無所益乎以是而推他亦皆可見矣曰好善惡惡人 日忠信者盡已之心而不違於物絜矩之本也騎奏 則不至於是矣日忠信騙泰之所以為得失者何也 民之父母能好惡人者正相反使其能勝私而絜矩 之性然也有拂人之性者何哉曰不仁之人阿黨娟

22. Dist Kith

為戒耳至於崇本節用有國之常政所以厚下而足 必至於剝民以自奉而有悖出之禍故深言其害以 政而夫子告之亦以足食為首蓋生民之道不可一 謂有土而有財者也夫洪範八政食貨為先子貢問 深陳財用之失民矣此復言生財之道何也曰此所 則怒已徇私以人從欲不得與人同好惡矣曰上文 日而無者聖人豈輕之哉特以為國者以利為利則 民者則固未嘗廢也召氏之說得其旨矣有子曰百

| 多近四月全書

意也然孟子所謂政事則所以告齊梁之君使之制 哉曰仁者以財發身不仁者以身發財何也曰仁者 姓足君敦與不足孟子曰無政事則財用不足正此 不私其有故財散民聚而身尊不仁者惟利是圖故 民之産者是已豈若後世頭會箕數屬民自養之云 非調仁者眞有以財發身之意也曰未有府庫財非 捐身賈禍以崇貨也然亦即財貨而以其效言之爾 其財者何也曰上好仁則下好義矣下好義則事

2.17 M 2111

多好四庫全書 羊民之所畜養以為利者也既已食君之禄而享民 身發財之效也日其引孟獻子之言何也日難脈牛 橋鹿臺之財德宗以出走而豐瓊林大盈之積皆以 庫之財又豈得為吾之財乎若商利以自焚而積鉅 保矣此以財發身之效也上不好仁則下不好義下 終矣事有終則為君者安富尊榮而府庫之財可長 不好義則其事不終是將為天下像之不暇而况府 之奉矣則不當復與之爭此公儀子所以拔園葵去

織婦而董子因有與之齒者去其角傅之翼者兩其 昔孔子以臧文仲之妾職蒲而直斥其不仁以冉求 力所以與其有聚效之臣寧有盗臣亦絜矩之義也 聚斂於季氏而欲鳴鼓以聲其罪以聖人之宏大兼 足之喻皆絜矩之義也聚斂之臣剝民之膏血以奉 容温良博爱而所以责二子者疾痛深切不少假借 下仁者之心至誠惻怛寧亡已之財而不忍傷民之 上而民被其殃盗臣竊君之府庫以自私而禍不及


欽定四年全書 四書或問

此也孟子分别義利拔本塞源之意其傳蓋亦出於 此云曰此其言蕃害並至無如之何何也曰怨已結 不遺其親不後其君蓋惟義之安而自無所不利矣 也曰以利為利則上下交征不奪不餍以義為利則 如此其意亦可見矣曰國不以利為利以義為利何 極言之欲人有以審於未然而不為無及於事之悔 於民心則非一朝一夕之可解矣聖賢深探其實而 程子曰聖人以義為利義之所安即利之所在正謂

此章之指者矣有國家者可不監哉曰此章之文程 佐人主之欲人主不悟以為有利於國而不知其終 凋率而根柢壓拔矣呂正獻公之言曰小人聚 斂以 之本財者民之心其心傷則其本傷其本傷則枝幹 裴延齡之徒以敗其國者故陸宣公之言曰民者邦 也以此為防人猶有用桑弘羊孔僅宇文融楊矜陳京 為害也賞其納忠而不知其大不忠也嘉其任怨而 不知其怨歸於上也嗚呼若二公之言則可謂深得

飲定四庫全書 四書或問

而已但以欲致其詳故所言已足而復更端以廣其 為人深切之意又自別見於言外不可易也必欲二 義博故傳言之詳然其實則不過好惡義利之兩端 若有餘而意味或反不足此不可不察也 說中判以類相從自始至終畫為兩節則其界辨雖 子多所更定而子獨以舊文為正者何也曰此章之 獨考之則其端緒接續脈絡貫通而丁寧反復 · 義相循問見層出有似於易置而錯陳耳



金万里是石里